

UPUTSTVO ZA PACIJENTA

BEDOXIN 20 mg tableta *piridoksin*

*Prije upotrebe lijeka pažljivo pročitajte ovo uputstvo!
Uputstvo sačuvajte. Možda ćete željeti ponovo da ga pročitate.
Ako imate dodatnih pitanja, obratite se svom ljekaru ili farmaceutu.
Ovaj lijek je propisan lično Vama i ne smijete ga dati drugome.
Drugome ovaj lijek može da škodi, čak i ako ima znake bolesti slične Vašima.*

Uputstvo sadrži:

- 1. Šta je lijek BEDOXIN i za šta se koristi**
- 2. Prije nego počnete koristiti lijek BEDOXIN**
- 3. Kako koristiti lijek BEDOXIN**
- 4. Moguća neželjena dejstva**
- 5. Kako čuvati lijek BEDOXIN**
- 6. Dodatne informacije**

1. ŠTA JE LIJEK BEDOXIN I ZA ŠTA SE KORISTI

BEDOXIN 20 mg tableta

1 tableta sadrži: piridoksin-hidrohlorida 20 mg

Aktivni sastojak tableta BEDOXIN je vitamin B₆ (piridoksin-hidrohlorid).

Lijek BEDOXIN se koristi kod:

- Nedostatka vitamina B₆ u organizmu
- Idiopatske sideroblastne anemije (stanje u kome se crvena krvna zrnca nepravilno formiraju)
- Oštećenja nerava (periferni neuritis) koje je uzrokovano upotrebom lijeka izoniazid (koristi se za liječenje tuberkuloze).

2. PRIJE NEGO POČNETE KORISTITI LIJEK BEDOXIN

Upozorite ljekara ako koristite druge lijekove, imate neku hroničnu bolest, neki poremećaj metabolizma, preosjetljivi ste na neke od lijekova ili ste imali alergijsku reakciju na neki od njih.

• Nemojte koristiti lijek BEDOXIN

Ako ste alergični na piridoksin ili na bilo koji drugi sastojak tablete.

• Budite oprezni s lijekom BEDOXIN

Lijek BEDOXIN koristite onoliko koliko Vam je Vaš ljekar propisao. Dugotrajna upotreba visokih doza može da dovede do neuroloških neželjenih dejstava.

Ne preporučuje se primjena lijeka kod djece.

Ako niste sigurni da li se nešto od navedenog odnosi na Vas, razgovarajte sa ljekarom ili farmaceutom prije primjene lijeka BEDOXIN.

• Korištenje drugih lijekova s lijekom BEDOXIN

Imajte u vidu da se ove informacije mogu odnositi i na lijekove koje više ne koristite, kao i na lijekove koje planirate da koristite u budućnosti. Obavijestite svog ljekara ili farmaceuta ako koristite, ili ste do nedavno koristili neki drugi lijek, uključujući i lijek koji se nabavlja bez ljekarskog recepta.

Provjerite sa svojim ljekarom da li koristite neke od sljedećih lijekova (ili bilo koje druge):

- levodopa (koristi se u terapiji Parkinsonove bolesti);
- izoniazid (koristi se u terapiji tuberkuloze);
- hidralazin (koristi se u terapiji povišenog krvnog pritiska);
- fenobarbiton i fenitoin (koriste se u terapiji epilepsije);
- oralni kontraceptivi;
- penicilamin (koristi se u terapiji artritisa i drugih stanja);
- altretamin (koristi se u terapiji karcinoma);
- tetraciklini (antibiotici, koriste se u terapiji bakterijskih infekcija);
- mao inhibitori (koriste se u terapiji depresije);
- eritropetin (koristi se kod teških oblika anemije(malokrvnosti)).

Ako imate bilo kakvu nedoumicu vezanu za primjenu ovog lijeka, posavjetujte se sa svojim ljekarom prije nego što počnete da ga upotrebljavate.

- **Uzimanje hrane i pića s lijekom BEDOXIN**

Uzimanje hrane i pića ne utiče značajno na dejstvo lijeka BEDOXIN.

- **Trudnoća i dojenje**

Ako ste trudni, namjeravate da zatrudnite ili ako dojite posavjetujte se sa svojim ljekarom ili farmaceutom prije započinjanja primjene ovog lijeka.

Obavijestite svog ljekara ako ste trudni, ako planirate trudnoću ili ako želite da dojite dok koristite ovaj lijek.

- **Upravljanje vozilima i mašinama**

Lijek BEDOXIN ne utiče na sposobnost upravljanja motornim vozilom i rad sa mašinama.

- **Ostala upozorenja**

Šta morate znati o pomoćnim supstancama koje sadrži lijek BEDOXIN

Obratite se svom ljekar u slučaju da ne podnosite neke od šećera, jer ovaj lijek sadrži laktozu.

3. KAKO KORISTITI LIJEK BEDOXIN

Ako mislite da ovaj lijek suviše slabo ili jako djeluje na Vaš organizam, obratite se svom ljekar.

Vaš ljekar će odrediti dozu lijeka koja je najbolja za Vas. Koristite lijek tačno onako kako Vam je ljekar preporučio, slijedite sva uputstva i upozorenja koja su navedena na pakovanju lijeka. Odmah obavijestite svog ljekara, ako Vam se simptomi bolesti pogoršaju ili ne dođe do poboljšanja.

Progutajte tabletu sa čašom vode, ako Vam nije rečeno drugačije.

Nedostatak vitamina B6 u organizmu

Uobičajena doza za odrasle je 60 do 160 mg dnevno, raspoređeno u više dnevnih doza.

Idiopatska sideroblastna anemija

Uobičajena doza za odrasle je 100 do 400 mg dnevno, raspoređeno u više dnevnih doza.

Periferni neuritis koji je izazvan upotrebom lijeka izoniazid

Uobičajena doza za odrasle je 140 mg do 160 mg dnevno u tri podijeljene doze.

Osobe starije životne dobi

Ako ste osoba starije životne dobi, trebaće Vam ista doza lijeka kao što je već navedeno gore.

Djeca

Nije preporučena primjena kod djece.

- **Ako koristite više lijeka BEDOXIN nego što ste trebali**

Ako ste koristili veću dozu lijeka BEDOXIN nego što bi trebalo, odmah razgovarajte sa Vašim ljekarom ili farmaceutom!

Ako ste slučajno koristili previše lijeka BEDOXIN, obratite se Vašem ljekarom ili farmaceutu ili idite u najbližu zdravstvenu ustanovu. Ponesite sa sobom pakovanje lijeka sa uputstvom, bez obzira da li je u njemu ostalo još lijeka ili ne, da biste pokazali ljekarom ili farmaceutu.

- **Ako ste zaboravili koristiti lijek BEDOXIN**

Nikada ne koristite duplu dozu da nadomjestite to što ste preskočili/zaboravili da koristite lijek!

Propuštenu dozu lijeka uzmite čim se sjetite, osim ako je skoro već vrijeme za sljedeću dozu, onda uopšte nemojte uzimati propuštenu.

- **Ako prestanete koristiti lijek BEDOXIN**

Koristite lijek onoliko dugo koliko Vam je ljekar propisao. Ne prekidajte terapiju bez konsultacije sa svojim ljekarom.

U slučaju bilo kakvih nejasnoća ili pitanja u vezi s primjenom lijeka BEDOXIN obratite se svom ljekarom ili farmaceutu.

4. MOGUĆA NEŽELJENA DEJSTVA

Kao i svi drugi lijekovi i lijek BEDOXIN može izazvati neželjena dejstva, mada se ona ne moraju ispoljiti kod svih korisnika.

Ako koristite visoke doze BEDOXIN tableta u dužem vremenskom periodu, mogu nastati problemi sa nervima (*periferni neuritis*). Simptomi *perifernog neuritisa* su npr. osjećaj bockanja i utrnulost.

Prijavlivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. KAKO ČUVATI LIJEK BEDOXIN

Čuvajte lijek BEDOXIN van domašaja i pogleda djece.

Čuvajte lijek na temperaturi do 25 °C, u originalnom pakovanju, radi zaštite od svjetlosti i vlage.

Rok upotrebe: 5 godina

Nemojte upotrebljavati lijek BEDOXIN nakon isteka roka upotrebe navedenog na pakovanju. Rok upotrebe se odnosi na posljednji dan navedenog mjeseca.

Posebne mjere uništavanja neupotrijebljenog lijeka ili ostatka lijeka

Uništite neupotrijebljeni lijek u skladu sa važećim propisima.

Ne odlažite neupotrijebljeni lijek u kućni otpad ili u kanalizaciju. Pitajte farmaceuta za najbolji način odlaganja neupotrijebljenog lijeka, jer se na taj način čuva okolina.

6. DODATNE INFORMACIJE

• Šta lijek BEDOXIN sadrži

Aktivna supstanca: 1 tableta sadrži piridoksin-hidroklorida 20 mg.

Pomoćne supstance: laktoza, monohidrat; skrob, kukuruzni; magnezijum-stearat; povidon K-25.

• Kako lijek BEDOXIN izgleda i sadržaj pakovanja

Izgled: tablete su okrugle, ravnih površina, bijele do skoro bijele boje.

Pakovanje: 2 blistera od Alu/PVC trake i PVC/PVdC trake sa po 10 tableta (20 tableta) u kutiji.

Režim izdavanja

Lijek se izdaje uz ljekarski recept.

Proizvođač

GALENKA a.d. Beograd

Batajnički drum b.b., Beograd, Republika Srbija

Proizvođač gotovog lijeka

GALENKA a.d. Beograd

Batajnički drum b.b., Beograd, Republika Srbija

Nosilac dozvole za stavljanje lijeka u promet

GALENKA d.o.o.

Vidovdanska b.b., Banja Luka, BiH

Broj i datum dozvole za stavljanje lijeka u promet

BEDOXIN 20 mg tableta: 04-07.3-2-9162/21 od 30.01.2023.

Datum revizije teksta:

30.01.2023.